

1021

1103

SKUPŠTINA KANTONA SARAJEVO
KLUB SAMOSTALNIH ZASTUPNIKA
Mehmedagić Mersiha

Bosna i Hercegovina
Federacija Bosne i Hercegovine
KANTON SARAJEVO

PRIJEDLOG: 30-08-218			
Broj predloga	Klasifikaciona oznaka	Broj predloga	Broj priloga
211			

N/R Predsjedavajuća/i Skupštine Kantona Sarajevo

PREDMET: AMANDMANI NA PRIJEDLOG ZAKONA O IZMJENAMA I DOPUNAMA ZAKONA O KONCESIJAMA

U skladu sa Poslovníkom Skupštine KS, čl.151., predlažem amandmane na Prijedlog zakona o izmjenama i dopunama Zakona o koncesijama.

Sarajevo, 30.08.2018.godine

Zastupnica:
Mersiha Mehmedagić

AMANDMAN 1.

Član 7. (Izmjena člana 23.)

Briše se.

Obrazloženje:

Predložena izmjena člana 23. kojom bi se u stavu (1) izbrisala rečenica: „Ugovor o koncesiji se može prenijeti samo ukoliko su ispunjeni uslovi iz ugovora koji se odnose na investiranje“ bi potpuno obesmisllila Ugovor o koncesiji. Omogućavanjem prenošenja Ugovora sa jednog na drugog koncesionara i tako u beskonačnost, omogućilo bi se izbjegavanje investiranja, s toga predlažem da se ovaj član u potpunosti briše.

AMANDMAN 2.

Član 9. (Izmjene i dopune člana 28.)

Mijenja se i glasi:

U članu 28. u stavu (3) ispred riječi: „datum“ dodaju se riječi: „naziv koncesionara, adresa sjedišta koncesionara, visina koncesione naknade, vrijednost koncesije,“, a iza riječi: „početka“ dodaje se veznik „i“ i riječi: „datum završetka“.

Obrazloženje:

Registrom koncesija neophodno je osigurati dostupnost podataka koji su osnovni elementi Ugovora o koncesiji. Javnost mora znati po kojoj cijeni koncesionar eksploatiše prirodne resurse i koja je to vrijednost koncesije koja će se na kraju rasporediti u Budžet Kantona Sarajevo i budžete lokalnih zajednica.

AMANDMAN 3.

Član 10. (Izmjene i dopune člana 32.)

Dodaje se novi stav (8) koji glasi:

(8) Vlada Kantona Sarajevo je obavezna dostaviti Skupštini Kantona Sarajevo izvještaj o realizaciji zaključenih ugovora o koncesijama po svim elementima ugovora, a najmanje jednom godišnje.

Obrazloženje:

Pošto Skupština Kantona Sarajevo nakon donošenja Odluke o pristupanju dodjeli koncesije nema uvid u stanje realizacije ugovora o koncesijama, neophodno je da Vlada, najmanje jednom godišnje, dostavi Skupštini izvještaj o realizaciji dodijeljenih koncesija po svim elementima ugovora.